

ქ. ფოთი

07 06 2013 წ.

სსიპ ზუგდიდის რაიონის სოფელ ონარიის საჯარო სკოლა (შემდგომში "დამკვეთად" წოდებული) მისი დირექტორის ს. ავალიანის სახით, ერთი მხრივ და საქართველოს შინაგან საქმეთა სამინისტროს საჯარო სამართლის იურიდიული პირი - დაცვის პოლიციის დეპარტამენტის სამეგრელო-ზემო სვანეთის რეგიონალური დაცვის პოლიციის სამმართველო (შემდგომში "შემსრულებლად" წოდებული), მისი უფროსის მ. ლიპარტიას სახით, მეორეს მხრივ, ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

1.1. "შემსრულებელი" უზრუნველყოფს დაცვითი-საგანგაშო სიგნალიზაციის სისტემის სამონტაჟო-საინსტალაციო სამუშაოების შესრულებას სსიპ ზუგდიდის რაიონის სოფელ ონარიის საჯარო სკოლის კომპიუტერულ ლაბორატორიაში, რომელიც მდებარეობს მისამართზე: ზუგდიდის რაიონი, სოფელი ონარია.

მუხლი 2. ანგარიშსწორების წესი და პირობები

2.1. წინამდებარე ხელშეკრულებით გათვალისწინებული სამუშაოების ღირებულება შეადგენს 102,80 ლარს (ას ორი ლარი და ოთხმოცი თეთრი), დღგ-ს ჩათვლით (დანართი 1);  
2.2. ხელშეკრულების 2.1. პუნქტში მითითებული თანხის გადახდის შემდეგ დანართი №1-ში მოცემული მასალები გადადის "დამკვეთის" საკუთრებაში.

მუხლი 3. მხარეთა უფლება-მოვალეობანი

3.1. "შემსრულებელი" ვალდებულია:

3.1.1 შეასრულოს დაცვითი სიგნალიზაციის სამონტაჟო-გასამართი სამუშაოები საკუთარი ინვენტარითა და სამუშაო ძალებით;

3.1.2 უზრუნველყოს სამუშაოების დროული და ხარისხიანი შესრულება;

3.1.3 გააცნოს "დამკვეთს" დაცვითი-საგანგაშო სიგნალიზაციის სისტემის ექსპლუატაციის ინსტრუქცია;

3.1.4 საკუთარი ხარჯებით უზრუნველყოს, სამუშაოების დასრულების დღიდან საგარანტიო ვადის ექვსი თვის განმავლობაში გამოვლენილი ნაკლოვანებების აღმოფხვრა, თუ ისინი გამოწვეული არ არის "დამკვეთის" მიერ არასწორი ექსპლუატაციით;

3.1.5 "შემსრულებელმა" წინამდებარე ხელშეკრულების გაფორმებიდან არა უგვიანეს ხუთი სამუშაო დღისა, დაიწყოს სამონტაჟო-გასამართი სამუშაოების წარმოება;

3.1.6 "დამკვეთის" მიერ 3.2.1 პუნქტით გათვალისწინებული პირობის შესრულების შემთხვევაში, უზრუნველყოს ხუთ სამუშაო დღეში სამონტაჟო-გასამართი სამუშაოების დამთავრება, რაზედაც გაფორმდება მიღება-ჩაბარების აქტი.

3.2. "დამკვეთი" ვალდებულია:

3.2.1 უზრუნველყოს "შემსრულებელი" სამუშაოების შესრულებისათვის აუცილებელი პირობებით;

3.2.2 დაცვითი-საგანგაშო სიგნალიზაციის სისტემის სამონტაჟო საინსტალაციო სამუშაოები მიიღოს მიღება-ჩაბარების აქტით, ხოლო ხელშეკრულების დანართი №1-ით გათვალისწინებული თანხის ჩარიცხვა უზრუნველყოს "შემსრულებლის" საბანკო ანგარიშზე;

3.2.3 უზრუნველყოს დამონტაჟებული სიგნალიზაციის ექსპლუატაციის წესების დაცვა;

3.2.4 არ დაუშვას საგარანტიო პერიოდის განმავლობაში აპარატურის გადაკეთება ან შეკეთება დაცვის პოლიციის დეპარტამენტის წარმომადგენლის გარეშე.

მუხლი 4. ფორს-მაჟორი

4.1. მხარეები თავისუფლდებიან ხელშეკრულებით გათვალისწინებული ვალდებულებების შესრულებისგან ფორს-მაჟორული შემთხვევების დროს, რომლის დროსაც შეუძლებელია დაკისრებულ მოვალეობათა შესრულება.

მუხლი 5. ხელშეკრულების მოქმედების ვადა

5.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს ნაკისრი ვალდებულებების სრულად შესრულებამდე.

მუხლი 6. სხვა პირობები

6.1 წინამდებარე ხელშეკრულების განუყოფელ ნაწილს წარმოადგენს სამონტაჟო მასალების ხარჯთაღრიცხვა. (დანართი №1)

6.2 ხელშეკრულებაში ცვლილებების შეტანა შესაძლებელია მხარეთა მიერ წერილობითი შეთანხმების საფუძველზე, რაც წარმოადგენს ხელშეკრულების განუყოფელ ნაწილს;

6.3 სადაო საკითხებს მხარეები გადაწყვეტენ ურთიერთშეთანხმებით, ხოლო შეთანხმების მიუღწევლობის შემთხვევაში სასამართლოს მეშვეობით;

6.4 ხელშეკრულება შედგენილია ოთხი თანაბარი იურიდიული ძალის მქონე ეგზემპლარად, რომელთაგან ერთი ინახება "დამკვეთთან", ხოლო სამი "დაცვასთან".

მხარეთა რეკვიზიტები და ხელმოწერები

"დამკვეთი"

სსიპ ზუგდიდის რაიონის სოფელ ონარიის საჯარო სკოლა, ს/კ №220373432  
იურიდიული მის: ზუგდიდის რაიონის სოფელი ონარია, ს.ს. "ლიბერთი ბანკი" კოდი  
LBRTGE22, ა/ა №GE25LB0121127184833000

დირექტორი



/ს. ავალიანი/

"შემსრულებელი"

შსს სსიპ- დაცვის პოლიციის დეპარტამენტი სამეგრელო-ზემო სვანეთის რეგიონალური  
დაცვის პოლიციის სამმართველო ს/კ 211350928. ქ. ფოთი, მშვიდობის ქ. N6. ანგარიში  
№GE61BG000000308831901, ს.ს. "საქართველოს ბანკი" კოდი: LBRTGE22

სამმართველოს უფროსი



/ მ. ლიპარტია /